

Mahlomola ka Baka la Krete



SABATHA MANTSIBOEA

Bakeng sa thuto ea Beke ena, bala:

1 Pet. 1:6, 3:13–22, 2 Tim. 3:12, 1 Pet. 4:12–14, Tšen. 12:17, 1 Pet. 4:17–19

Temana ea Khopolo:

“Hape, ke seo le bilelitsong sona; hobane Krete le eena o utloisitsoe bohloko bakeng sa lōna, a le siela mehlala, le tle le hate moo a hatileng teng”(1 Petrose 2:21).

Nalane ea lithoriso makholong a pele a lilemo tsa Bokreste e tsejoa hantle. Biblele ka bo eona, haholo buka ea Liketso, e fana ka pono ea se emetseng kereke. Litlhoriso, le mahlomola ao li a tlisang, hape ke bonnete ba se teng bophelong ba Bakreste bao Petrose a ba ngollang. Khaolong ea pele, Petrose o re “leha empa joale le sa ntse le hlomohile ke meleko e mengata, leha empa e le ka motsotso o mokhutšoanyane ka moo ho le tšoanatseng kateng; hore tumelo ea lōna, ha e se e lekilo, e leng e fetisang hole khauta e timelang, athe le eona e ee e lekoe ka mollo, e tle le fetohela poko, le hlomphe, le khanya, mohla Jesu Krete a hlahang” (1 Pet. 1:6, 7). Le puo ea ho qetela ea lengolo o bua ka khopolo e tšoanang: “Empa Molimo oa mehauhelo eohle, o re bilelitse ka Jesu Krete ho rua khanya ea oona e sa feleng, ha le se le utloile bohloko ka litšioana, o tla le etsa ba phethehileng, o le tiise, o le fe matla, o le thehe” (1 Pet. 5:10).

Hara epistole e khutšoanyane, hona le likha tse seng ka tlase ho tharo tse buang ka mahlomola a babali ba hae bakeng sa Krete (1 Pet. 2:18–25, 3:13–21, 4:12–19). Ka tsela e itseng, joale, mahlomola a tlišoang ke lithoriso e ba sehloho sa 1 Petrose, 'me ke moo re tsebamang teng.

**Bala thuto ea beke ena ho lokisetša Sabatha, Motšeanong 6.*

Litlhoriso tsa Bakreste ba Pejana

Bala 1 Petrose 1:6, 5:10. Petrose o bua ka eng, 'me o bolella babali ba hae joang ho arabela se ba tobileng?

Ka mengoaha e seng mekae e fetileng, hoba Mokreste fela ho ne ho hlola mafu a mabe ka mokhoa o makatsang. Lengolo le ngoletsoeng morena oa Roma Trajan le bontša ka moo boemo ba tšireletso ba Bakreste ba pele bo neng bo le kateng. Lengolo le ne le tsoa ho Pliny, eo ka nako ea ho ngola e neng e le 'musisi oa Pontos le Bithinia (AD111–113), likarolo tse peli tse boleloang ho 1 Petrose 1:1. Pliny o ne a ngoletse Trajan a kopa tataiso ka hore na a etseng malebana le batho ba qosoang ka hore ke Bakreste. A hlalosa hore ba neng ba tiisa hore ke Bakreste o ile a ba timetsa. Ba bang ba re leha e ne e le Bakreste pele, ha e sa le bona. Pliny a re ba netefatse ho hloka molato ha bona ka ho ba bolella hore ba etsetse litšoantšo tsa Trajan le melimo e meng le rohaka Jesu.

Ho khumamela 'musi ea phelang ho ne ho sa atise ho etsoa Roma, leha karolong e ka bochabela ea 'muso oa Roma eo 1 Petrose e rometsoeng, babusi ba ne ba lumella 'me ka linako tse ling ba khothaletsa ho hahoa ha litempele bakeng sa bona. Tse ling tsa litempele tse na li ne li na le baprista ba tsona le lialetare tseo ho neng ho etsetsoa mahlabelo ho tsona. Ha Pliny a re Bakreste ba bontše botšephehi ba bona ho 'musi ka ho fana ka mahlabelo le khumamelo ho setšoantšo sa 'musi, o ne a latela mokhoa oa khale oa Asia Minor. Ho na le linako lekholong la pele la lilemo moo Bakreste ba neng ba tobane le kotsi e tšabehang ka feela ho ba Mokreste. Sena e ne e le 'nete haholo tlasa 'musi Nero (AD 54–68) le Domitian (AD 81–96). Empa, litlhoriso tse hlaisoang ho 1 Petrose ke tsa mofuta oa lehae. Mehlala e tobileng ea litlhoriso tseo Petrose a buang ka tsona lengolong e ea fokola, empa mohlomong li kenyeletsa liqoso tse fosahetseng (1 Pet. 2:12) le tšebo le linyefolo (1 Pet. 3:9, 4:14). Leha litlhoriso li ne li le boima, ha li bonahale li hlalositsoe ke ho kenngoa teronkong le lefu, ka nako eo. Le joale, ho phela joalo ka Mokreste ho tla beha balumeli ka mosing sechabeng sa ngoaha-kholo oa pele, 'me ba ne ba tla hlorisetsa oa tumelo ea bona. Ka hona, Petrose o ne a sebetsana le taba e hlokolosi ha a ngola epistole e pele.

Mahlomola le Mohlala oa Krete

Bala 1 Petrose 3:13–22 kaofela. Ke joang Bakreste ba lokelang ho arabela bao ba ba tlisetsang mahlomola ka lebaka la tumelo ea bona? Khokahano ke efe lipakeng tsa mahlomola a Jesu le mahlomola ao balumeli ba kopaneng ;le oona ka lebaka la tumelo ea bona?

Ha Petrose a re, “leha le ka utloisoa bohloko ka baka la ho loka, le lehlohonolo” (1 Pet. 3:14), o mpa a pheta mantsoe a Jesu: ““Ho lehlohonolo ba hlirisetsoang ho loka”” (Matt. 5:10). O tsoela pele o re Bakreste ba lokela ho se tšabe bao ba ba hlaselang, empa ba lokela ho tšaba Morena Jesu lipelong tsa bona (1 Pet. 3:15). Phatlalatso ena ea Jesu lipelong tsa bona e tla thusa ho thibela tšabo eo ba tobanang le eona ho bao ba leng khahlanong le bona. O tsoela pele ho bolela hore Bakreste kamehla ba lokela ho khona ho hlalosa tšepo eo ba nang le eona, ‘me leho etsa joalo ka tsela e thahasellisang—ka bonolo le ka tšabo (“tšabo” ka nako tse ling e tolokoa e le “tlhompho; sheba 1 Pet. 3:15, 16). Petrose o tiisa hore Bakreste ba lokela ho etsa bonnete bah ore ha ba nee batho lebaka la ho ba qosa. Ba lokela ho boloka matsoalo a bona a hloekile (1 Pet. 3:16). Sena se bohlokoa, hobane bao ba qosang Mokreste ba tla hlabisoa lihlong ke bophelo bo se nang sekoli ba Mokreste ea qosang.

Ruri, haho botle ka ho ba mohlomoleng ka lebaka la ho etsa hampe (1 Pet. 3:17). Ke hoba mahlomoleng ka lebaka la ho etsa hantle, ho etsang phapang e kholo. “Hobane, ha ekaba ke thato ea Molimo hore le utloisoe bohloko, ho ka fetisa hore le bo utloe le ntse le etsa hantle, e seng hampe” (1 Pet. 3:17). Petrose joale o sebelisitse mohlala oa Jesu. Krete ka bo eena o ile hlirisetsoa ho loka ha hae; khalalelo le bohloeki ba bophelo ba hae li lutse e le khalemelo ea ka mehla ho ba mo hloileng. Haeba ho na le motho ea utloisitsoeng bohloko ka lebaka la ho etsa hantle, eseng hampe, eo ke Jesu. Empa mahlomola a hae hape a tlisitse mokhoa oa topollo. O shoela sebakeng sa baetsalibe (“ea lokileng o bolaetsoe ba khopo,” 1 Pet. 3:18), e le hore ba lumelang ho eena ba tle ba be le tšepiso ea bophelo bo sa feleng.

Na u se u kile oa ba mahlomoleng, e seng hobane o entse phoso, empa ka labaka la hobane o entse hantle? Boiphihlelo e bile bo joang, 'me u ile oa ithuta eng ka se boleloang ke ho ba Mokreste le ho bonahatsa semelo sa Krete?

Liteko tse Matla

Bala 1 Petrose 4:12–14. **Hobaneng** Petrose a re ba se ke ba makala ke mahlomola a bona? Sheba hape 2 Tim. 3:12, John 15:18.

Petrose o hlakisa hore ho ba lithhorisong ka baka la hoba Mokreste ke ho nka karolo mahlomoleng a Kreste. Ha se ntho eo u ke keng oa e lebella. Empa, joalo ka ha Paulose a tla ngola: “Bohle ba ratang ho phela ka borapeli bo ho Jesu Kreste, ba tla hlorisoa joalo” (2 Tim. 3:12). Jesu ka bo eena o ile a hlokomelisa balateli ba hae ka seo ba tla tobana le sona: “‘Mohlang oo, le tla neeloa ho tšoenngoa, le tla bolaoa, ’me le tla hlouoa ke lichaba tsohle ka baka la lebitso la ka. Ke moo ba bangata ba tla khoptjoa, ’me ba tla ekana, bat la hloeana’ ” (Matt. 24:9, 10). Ho ea ka Ellen G. White: “Ho tla ba joalo ho bohle ba phelang ka ho loka ho Jesu. Lithhoriso le linyefolo li emetse bohle ba tletsoeng ke Moea oa Kreste. Semelo sa lithhoriso se fetoha le linako, empa motheo—moea o susumetsang seo—ke oona o ileng oa bolaea mokhethoa oa Morena e sa le le matsatsing a Abele.”—*The Acts of the Apostles*, p. 576.

Bala Tšenolo 12:17. **E reng ka bonnete ba lithhoriso tsa Bakreste matsatsi a ho qetela?**

Ha ho potso, ho Mokreste ea tšepahalang, ho hlorisoa e ka ba ntho e bonoang, ke seo Petrose a sebetsanang le sona mona ka ho hlokomelisa babali ba hae ka “sebopi” seo ba tobaneng le sona. Mollo e ne e le papiso e ntle. Mollo o ka senya, empa hape o ka hloekisa litšila. Ho itšetlehile hore na ke eng e bang mollong. Matlo a senngoa ke mollo; silefera le khauta li hloekisoa ka oona. Leha motho a ke ke a ipitsetsa lithhoriso ka boomo, Molimo o ka tlisa se molemo ka tsona. Ka hona, Petrose o bolella babali ba hae (le rōna): E, lithhoriso li mpe, empa se ke oa nyahamisoa ke tsona joalo kaha eka ke ntho e sa lebelloang. Tsoela pele ka tumelo.

Re ka etsang ho phahamisa, ho khothatsa, le ho thusa bao ba hlorisetsoang tumelo ea bona?

Kahlolo le Sechaba sa Molimo

Bapisa 1 Petrose 4:17–19 le Esaia 10:11, 12 le Malakia 3:1–6. Ke eng eo li e bolelang e tšoanang?

Likheng tsena tsohle, taba ea kahlolo e hlaha e qala ka sechaba sa Molimo. Petrose hapeo hokahanya mahlomola a babali ba hae le kahlolo ea Molimo. Ka eena, mahlomola ao babali ba hae ba Bakreste ba tobaneng le oona ha letho ha e se kahlolo ea Molimo, e qalang ka ntlong ea Molimo. “Ka baka leo, ba utloisoang bohloko ka ho rata ha Molimo, ba bee meea ea bona matsohong a oona, kahobane e le ’Mōpi ea tšepelang, ’me ba ’ne ba tiisetse ho etsa hantle” (1 Pet. 4:19).

Bala Luka 18:1–8. Sena se thusang joang ho utloisisa kahlolo ea Molimo?

Nakong ea Bibe, kahlolo e ne le ntho e labalabeloang haholo. Setšoantšo sa mohlolohali oa mofumanehi ho Luka 18:1–8 se ama karolo e kholoanyane ea kahlolo. Mohlolohali oa tseba hore o tla tsoella tabeng ea hae ha feela a ka fumana moahloli ea tla nka nyeoe ea hae. O na le chelete e sa lekanang le boemo bo tlase hore a nke nyeoe ea hae hore e mameloe, empa qetellong o susumeletsa moahloli ho e utloa le ho mo fa se mo lokelang. Joalo ka ha Jesu a bolela, “ ’Me Molimo oona, na o ke ke oa ahlolela bakhethoa ba oona, ba bitsang ho oona motšea le bosiu, leha o lieha ho halefa ka baka la bona?” (Luka 18:7). Sebe se tlisitse bobele lefatšeng, ’me sechaba sa Molimo ka lilemo tsohle e sa le se emetse Molimo ho lokisa lintho hape. “Ea sa tl’o u tšaba ke ha e le mang, Morena? Ea sa tl’o tlotlisa lebitso la hao ke mang? Hobane ea halalelang ke uena u ’notši. ’me lichaba tsohle li tla tla, li khumame maotong a hao, kahobane likahlolo tsa hao li beiloe pepeneneng” (Tšen. 15:4).

Nahana ka bokhobo bohle bo lefatšeng bo fetileng, le bo ntseng bo tsoella, bo sa ahloloe. Hobaneng, joale, taba ea toka, le kahlolo ea Molimo e lokileng, e le taba e hlokolosi ho rōna Bakreste? Ke tšepo efe eo u e fumanang tšepisong ea hore toka e tla etsoa?

Tumelo le Hara Liteko

Joalo ka ha re bone, Petrose o ne a ngolla balumeli ba neng ba hlorisetsoa tumelo ea bona. Joalo ka ha nalane ea Bokreste e bontšitse, lintho li ile tsaba mpehali, empa ha nakoana. Bakreste ba bangata lilemong tse latelang ba ile ba fumana thuso le matšelisano ho seo Petrose a se ngotseng. Ha ho potang, ba bangata ba sa li thola le kajeno. Hobaneng mahlomola? Eo ruri, ke potso ea khale. Buka ea Jobo, e 'ngoe ea libuka tsa pele tsa Bibeletsa ho ngoloa, e na le mahlomola e le ntlha ea sehloho. Ruri, haeba ho ne ho na le motho (ka ntle ho Jesu) ea kileng a ba mahlomoleng e se “molai, kapa lesholu, kapa sesenyi, kapa ntšunya-khare” (1 Pet. 4:15), e ne e le Jobo. Hantle le Molimo o itse ka Jobo: “‘Na ha ua ka ua lemoha Jobo, mohlanka oa ka, na? Hobane ha ho motho ea joalo ka eena lefatšeng, ea tsamaeang ka ho loka le ka bokhabane, ea tšabang Molimo, ea sesefang bobef?’” (Jobo 1:8). Empa joale, sheba seo Jobo a fetileng ho sona, e se hobane a ne a le khopo, empa hobane feela a ne a lokile!

Ke joang litemana tsee li re thusang ho araba potso ka tšimoloho ea mahlomola? 1 Pet. 5:8, Tšen. 12:9, Tšen. 2:10.

Karabo e khutšoanyane ke hore re mahlomoleng hobane re hara khohlano e kholo e lipakeng tsa Krete le Satane. Sena ha se papiso feela, setšoantšo feela sa botle le bobef tse limelong tsa rōna. Ho na le Diabolosi oa sebele le Jesu oa sebele ba loanang ntoa ea sebele bakeng sa batho.

Bala 1 Petrose 4:19. Ke joang seo Petrose a se ngotseng moo se re thusang ho sohle seo re loanang le sona ha joale?

Ha re utloa bohloko, haholo ha bohloko boo bo sa tle ka kotloloho ka lebaka la ho etsa hampe ha rōna, re botsa ka botho potso eo Jobo a e botsitseng, hape le hape: Hobaneng? 'Me joalo ka ha ho le joalo ka mehla, ha re na karabo. Joalo ka ha Petrose a bolela, seo re ka se etsang, le hara mahlomola a rōna, re lokela ho nehela meea ea rōna ho Molimo, re mo tšepa, “mopi oa rōna ea tšepahalang,” le ho tsoela pele ho “etseng hantle” (1 Pet. 4:19).

Hobaneng ho tseba semelo sa Molimo sebakeng sa hau, ho tseba ka molemo oa hae le lerato la hae bakeng sa hao, e le taba e bohlokoa hakalo bakeng sa Mokreste, haholo ea mahlomoleng? Ke joang bohle re ka ithutang ho tseba Molimo le bonnete ba lerato la hae ha molemo?

Ho Ithuta Haholoanyane:

Boithuto ba Sontaha bo buile ka litlhoriso tseo Bakreste ba tobaneng le tsona. Ke ena karoloana e khutšoanyane ea lengolo le ngoletsoeng ‘musisi ka seo Bakreste’ ba neng ba se hlirisetsoa lilemong tseo ta pele: “... mokhoa oo ke o boneng malebana le bao ba qositsoeng ho ‘na kahore ke Bakreste ke ona: Ke ba botsisitse hore na ke Bakreste; ha ba ipolela e le bona ke ne ke pheta potso habeli hape, ke kenyeletsa le tšoso ea kotlo; ha ba ntse ba tiiselitse teng, ke ne ke laela hore ba bolaoe. Hobane ho sa tsotellehe tšobotsi ea lenyora la bona, ke ne ke ikutloa hore bonyane lenyora le khatello tsona li lokeloa ho kholisoa. “Ba neng ba latola hore ke bona, kapa e kile ea ba Bakreste, ba neng ba pheta ka mora ka boitlamo ho melimo, le ho e nea khumamelo, ka veine le bootsoa, ho setšoantšo sa hao, seo ke ileng ka kopa hore se tlisoa ka lebaka leo, ’moho le tsa melimo, bao qetellong ba ileng ba rohaka Kreste—liketso tseo, ho bolelang hore, bao e leng ba Kreste hantle ba kekeng ba li etsa leha ba qobelloa—tsena ke ile ka bona ho le molemo ho li etsa. Ba bang ba ileng ba boleloa ke menyenyetsi qalong ba ipolela e le Bakreste, e be ba latola; ke ’nete, e bile karolo ea tšusumetso eo empa ba e nyahlalitse, ba bang lilemo tse tharo, ba bang lilemo tse ngata, ba fokolang lilemo tse ngata ba bo mashome a mabeli a metso e mehlano tse fetileng. Bohle ba khumametse setšoantš sa hao le tsa melimo, le ho rohaka Kreste.”—Pliny Letters (London: William Heinemann, 1915), book 10:96 (vol. 2, pp. 401–403).

Lipotso tsa ho Qoqoa:

1. Ke taba efe e kholo eo Bakreste ba neng ba tobanele eona, joalo ka ha ho senotsoe lengolong lena? Ke lintho life tse tšoanang tseo re li bonang mo le tse tla tla matsatsing a ho qetela, joalo ka ha ho senotsoe molaetseng oa lengeloi la boraro Tšenolo 14:9–12? Sena se re bolella eng ka tse ling tsa lintho tsa khohlano e kholo ka bo eona?
2. “Ba hlomphang molao oa Molimo ba qositsoe ka hore ba tlisetsa lefatše kahlolo, ’me ba tla nkoa e le lisosa tsa matsoalo a bakoang ke tlhaho le lintoa le tšollo ea mali tse tletseng ka hohle lefatšeng. Matla a susumetsang molaetsa oa ho qetela a halefisitse ba khopo; khalefo ea bona e tuka khahlanong le bohle ba amohetseng molaetsa, ’me Satane o tla tsosa moea oa lehloeo haholo le litlhoriso.”—Ellen G. White, *The Great Controversy*, pp. 614, 615. Leha re sa tsebe hore na tsena tsohle li tla etsahala neng, ke joang re lulang re lebeletse ho tobana le khanyetso ea tumelo ea rōna, ka litsela tsohle tseo khanyetso e tlang ka tsona? Senoflolo sa mantlha sa ho lebela ke sefe?

